



十花小築詩鈔

沈景修署檢

光緒乙酉
十月開鐫



序

漸江之水發源黟歙山川特秀實生偉人故筮仕我邦者每著善政爲民造福以其緒餘發爲歌詠猶令人感且慕之古香觀警負經世之才受知於張文毅左文襄兩公奮袂戎行躍身仕版爲我浙理榷稅整嵯綱籌滬運屢著賢勞上官器重嘗權知金華杭州兩府又權杭嘉湖道孜孜以仁民愛物爲務而公餘之暇仍吟詠不輟流風逸韻翹然常存讀十花小築詩鈔如見其爲人焉公當咸豐之季粵寇橫突流毒數省目擊瘡痍激成義憤故其詩多沈鬱悲壯之作如礮兵謠獅子謠聞見篇之類是也精忠亮節出之以詠歎長言則其情愈真動人愈切矧皆親炙之賢目覩之狀曲爲傳述史乘所資故其詩多表彰忠烈之作如丹桂詠籌防篇痛思篇之類是也一登仕塗民命攸繫寬猛並濟斯協於中方寸稍平萬家蒙福故其詩多開心見誠之作如留別婺州諸君子及收私篇之類是也曲突徒薪昔人所善有識之士洞幾於微偶有感觸卽寓規諷故其詩多憂時嫉俗之作如擬行行重行行及申江新樂府之類是也矧復縱情游覽題詠畫圖因寄所託動生妙緒至其造語之巧琢句之工猶餘事耳公夙能折節名下士聞定

海黃元同先生邃於經山陰王詹叔先生深於詩卽命
孫遠颿受業於兩先生之門時梅與兩先生同任書局
校勘之役梅由是識遠颿及公爲書局提調梅於是又
識公時梅以古醫書十種請於俞蔭甫先生暨劉仲良
中丞擬付書局開雕而公方權杭嘉湖道兼理嵯局簿
書繇冗未及與公詳議條例不數月而公歿矣撫今思
昔忽又數年遠颿以公詩來問序於梅梅何敢辭光緒
十二年丙戌春二月慈谿馮一梅譔

十華小築詩鈔序

二

十華小築詩鈔題辭

南風駕空海舶高轉漕百萬宣勤勞文人經濟世罕覯
及今乃見余太守余太守子梓桑一麾出東西杭下民
歌父母上游表循良遷除入覲來天閭公餘尋舊雨
嘉覲神洋洋出詩示我投我好距躍三百喜欲狂我雖
未得詩中趣乃讀公詩卻有悟不名一家區區李杜韓
蘇相規撫不名一體漢魏齊梁強依附眾兼收羣靈畢
赴愛者慕忌者妒健筆一枝天所付我請一一言其故
有時如名花之灼灼如春波之融融如菡鬱之明霞如
勃窣之長虹翡翠鮮珊瑚月華四射排虛空仙樂奏出
藥珠宮有時又如水鄉煙語幽蒨境美人目成伶俚影
秋雨聲破綠天蕉春風香透紅梅嶺味雋冬煎日鑄茶
神清夏汲雲根井有時又如東摩岱頂西揖華岑北抱
恆影南越嵩陰雲蒸蔚鬱千象變雷起噌吰萬馬瘖力
士開山洵洵去真人策杖飄飄臨有時又如觚棧日麗
明金雀闥闔冕旒垂寶珞靈籤寶笈發精奇地官太倉
增恢廓少室瀉節綏山桃爛雲一朵和冰噲始知春隄
示吏篇無非推心置腹交纏絲始知鄴杜懷人句無非
停雲落月勞延注纏絲延注發詠歌柰當近日詩教凌

夷何我固雀目鸛鼻世更多以青詆白以羽笑宮妄自
擊節鳴鳴而吟哦否則野狐詩中魔汗流浹背真由他
真由他還問我今夏溽暑熱似火輭紅十丈塵埃坐晨
夕讀公詩把卷手不墮一字招涼珠一顆爬癩頓銷芥
子大蟬蚓偶學鳳鸞莫嗤鄙陋不自揣劇願他日一品
集告成善本先貽事或果請以是詩作券左先生儻謂
教誨可無厭之求應笑哆

正聲久啗啞亂耳諠淫哇大雅不復作詩義誰搔爬余
侯富典籍便腹羅五車蘊茲淵懿懷蔚茲邦國華餘事

題辭

二

託幽諷妙語參元葩吞吐黃海雲欬唾謔山霞

君曾攝
婺州守

無窮出變化一氣紛騰挈矯若天表龍靜若煙中花怨
若雍門彈壯若漁陽搗想見落筆時几案風沙沙方今
際清晏求佐宣白麻多君經濟才事此將毋差崇基自
有階盛景殊未斜請爲賦明堂毋復謔田家

君有田
家襍詠

人素媵陋腹儉心猶奢勉步下里吟俗調羞箏瑟

十華小築詩鈔卷一目錄

春歸漫興

題楊子方蛺蝶便面卽以贈行

春日醉後作

山居禩興

得石小谿汝礪楚中見寄詩四十韻奉和卻寄

題黃質士畫

秋夜谿行

山行得句

題沈九公子春日湖亭觴詠圖卷

十華小築詩鈔卷一目錄

一

浦口曉發

春仲由新安之吳中道出武林宿西湖之長豐山

館與主人朱秋田伯仲盤桓累日臨別留詩紀

游

德清道中舟行遇雨

昌化道中

宿帶石埠

宿郡城孔氏寓

題李幻雲花果遺卷

清華草堂新秋雨後

索吳石泉印篆

題程逸蘭自鏡圖

病瘧

婺源道中

都門旅夜

扇子河觀荷花瞻仰景山諸樓觀

劉智廟題壁

北行道中

吳江舟次得汪瘦梅水部鴻達書感賦

滄安舟行用東坡清虛堂韻效漁洋體

一華小築詩鈔卷一 目錄 二

入歙縣界晚眺

長嶺山居聞廬州警報

丹桂詠

獅子謠

雜兵謠

金君嘯琴以輞川竹裏館句意製圖索詩爲賦一

律

馮穉華少尉焯見示游鬲山用坡公答郡中同寮

賀雨詩韻近作依韻奉和時余養病篋谿

嘉祥寺題壁

題雪窗悲慕圖

題葉嬾雲灑山水畫冊

徽屬戒嚴叔父命五弟本恬奉叔母金太淑人徙
家河鎮時愚病越半年弟亦舊恙復作相對黯
然賦此贈別

自題寫照

讀史隨筆

骨醉謠

病中答程小園明府

晤蓮谿上人於曹江寶山寺旋又別去

十華小築詩鈔卷一

目錄

三

前文

自題寫照

然賦此贈別

宋河鎮和愚賦

燭風

題葉嬾雲灑山水畫冊

題雪窗悲慕圖

十華小築詩鈔卷之一 乙未至辛酉

休甯余本愚古香

春歸漫興

苔痕長綠上牆東
蝴蝶不來春事終
連日閒愁無可柰
黃梅細雨落花風

題楊子方蚊虻便面卽以贈行

苔痕綠上階
春草淒然暮
小園蝶亂飛
零落花無數
連朝頗寂寞
檐雨直如注
一身頑似鐵
爐火少鎔鑄
俯仰苦局促
寸守而尺步
故人忽言別
策馬臨岐路
壯哉汗漫遊
驥尾絕攀附
少年不作客
低首事章句
狀貌漸可

十華小築詩鈔卷一

一

醜肺腑塊若塑
何如蒙莊叟
夢境了可悟
芳草滿天涯
隨君馬蹏去

春日醉後作

滿地落梅如散錢
酒香吹暖東風天
此生一事不能解
愛在碧桃花下眠

山居禱興

老猿聞酒香不覺欣然至
貽我雙靈芝頗有求醉意
道士自朝來松陰坐到暮
相送出柴門踏月飄然去
橫琴坐危磴樹樹隱斜陽
滿境松花落空山臥麝香
得石小谿汝礪楚中見寄詩四十韻奉和卻寄

君自梅花開浮湘途經鄂市月天霽晴稍舒羈緒惡令
子時過從代君慰離索一日持書至發緘得君作誦詩
猶對君紙上丰神躍雲夢幻蒼茫君山羅隱約得友玉
能攻畫策碁先著君遇差晏如僕況自貧苦移館城西
隅我巢君舊託徒設北山羅莫綱南山雀錦無機變奇
髻魄新興掠所以身世閒遭逢宜落拓廚煙日漸涼村
釀夕空酌幸免飢忍鷗居然瘦類鶴几席襍藎鹽菽粟
虛囊橐晞髮坐繩牀散步曳芒屨檐月光照廊園桂花
垂幕地寂廢寺寮境隔芳溪狗挾策但吟唔敲門少酬
酢秋色正清迴英髦夸材略鮑叔鮮分金平原難入洛

一萼小築詩鈔卷一

二

空羨得羽飛鵬鶚盤大漠鱣堂就冷官行振姑熟鐸師
友骨肉同無異家人樂舟車紛別離萍梗互飄泊吁嗟
衣食謀關河頻落魄嗟我困青鱣送人贈紅藥局促車
蔽帷疏通鑰脫鑰旣乏資遠遊又無田負郭旦暮畔牢
愁言笑誰歡謔豈鮮里巷游相視多隔膜因念楚中友
何時共杯杓疇昔風雨晨聚首無束縛論史發悲歌引
經擅淵博吾師揮塵談得君增註腳德兼益友薰石藉
他山錯迴憶函丈居歷歷皆如昨境異事亦遷魂夢多
驚愕千里共心期挑鐙感寂寞走和四百言毋吝加筆

題黃質士畫

故人渺何許煙雨滿空谷忽聞讀書聲竹裏露茅屋

秋夜溪行

小橋楊柳亂棲鴉緩逐谿流踏淺沙露重月寒風漸定
冷螢移火出藤花

山行得句

山花開滿路策杖步遲遲寺古逢僧少崖高立樹危怪
松棲老鶴裂石長靈芝隨意蘿陰坐白雲剛起時

題沈九公子春日湖亭觴詠圖卷

一勺葡萄酒春風暢醉懷將船泊楊柳因水得軒齋架

白吟僧硯花香妙伎鞋臨流席芳草山色過湖佳

浦口曉發

天色未全曉扁舟載夢行滿船殘月影一枕下灘聲水
落石爭出風高霜弄晴推窗眺羣嶽猶憶紫陽城

春仲由新安之吳中道出武林宿西湖長豐山館

與主人朱秋田伯仲盤桓累日臨別留詩紀游

斷橋鶯老桃花愁青山揖客古渡頭榜妾放船弄春水
石子紅白沿谿流新安灘河水清淺水勢千盤山萬轉
直下桐廬浪接天片帆直下之江翦十年不踏西子湖
肩輿繞過城南隅三里五里問童僕行行已到湖邊無

主人聞聲拍手哢胡蝶亂飛花竹笑何處好風吹汝來
似此相逢出意料名園結客樓祀仙清宵燒燭朝晏眠
湖光撲窗搖夢醒五色蕩漾玻璃煙美人如花波似錦
照影紅妝坐湖艇我亦扁舟載酒行美人吹簫我狂飲
湖上嬉春白面郎珮弓金彈鮮衣裳怒馬昂頭作獅吼
霜蹶亂蹴春泥香蘇隄白隄萬楊柳武穆墳前醉卮酒
裂笛空招放鶴人穿雲難覓騎驢叟湖煙湖水兩悠悠
畫舫香車襍逕游須臾幾點社翁雨夕陽吹墮城西頭
游人散似東風絮片刻歡筵徹杯箸明朝餞我半山亭
烏篷攜弟姑蘇去

十華小築詩鈔卷一

四

德清道中舟行遇雨

艤聲搖不定帆影望中孤水闊船難泊雲來樹欲無亂
山飛霹靂滿耳響菰蒲獨背篷窗坐傾盆雨一湖

昌化道中

流水忽然斷板橋何處尋灘邊覓漁艇日午渡煙溇芋
葉有荷意谿雲無雨心桑隍行漸沒歸路萬山深
宿帶石埠

睡醒不知處秋風生嫩涼壁多灘石壘地比硯田荒客
夢歸家早谿流到枕長紙窗看漸黑月色過鄰牆

主人宿郡城孔氏寓

淨埽陳蕃榻寒鐙照獨眠蟲吟牆隙土鼠飲硯凹泉客
況僧投寺秋聲月在天故園明日到努力祖生鞭

題李幻雲花果遺卷

洗盡脂痕與粉痕黃荃妙品出桃根新紅菱角鸚哥觜
澹白梨花燕子魂看畫記當春夜雨攜琴曾訪水邊村
至今寒食清谿路賸有唳鷗哭墓門

清華草堂新秋雨後

墨雲披雨隔谿行疆被迴風送入城今夜草堂堪一宿
芭蕉幾葉作秋聲

索吳石泉印篆

十華小築詩鈔卷一

五

仙驢無復憶山家白石青泥遣歲華獨擁茅檐盼神鵲
何時吹墮凍桃花

題程逸蘭自鏡圖

嗟我一病經兩年引鏡自照心茫然面目顰黑漸可醜
似茲無乃非少年披君自鏡圖丰神何楚楚借問鏡中
人年華今幾許將鬚微笑神欲流從知心地無煩憂席
閒大略羅典籍更以花果供案頭焚香埽地讀書史風
味不減天隨子同學諸生行老矣

病瘧

夏日亦可愛窗紗聊半開客妨譚倦去病約午餘來罷

酒荒詩課添裘鬻硯材藥鑪長坐守階畔埽蒼苔

婺源道中

筍輿軋軋曉風尖路盡谿橋見酒帘苦茶暖蒸雲母粉
行人多販水晶鹽黃花黯黯開籬角紅葉紛紛落帽檐
爲愛楓林盤石坐征衫幾被亂苔黏

都門旅夜

宮烏唳月如洗夢遙遙家萬里

扇子河觀荷花瞻仰景山諸樓觀

十里荷香路薰風扇子河鳥唳 宮樹密花放 御橋

多日出干官散塵飛萬騎過樓臺如畫裏金碧望嵯峨

十華小築詩鈔卷一

六

劉智廟題壁

羨煞春風閭苑花萍蹤三載滯京華雙丫也解盤新髻
一擊何曾中副車投筆願隨班定遠上書徒慕賈長沙
烽煙滿地歸何處合辦漁簑老釣槎

南來晝夜羽書馳盡道金陵被寇窺一局勝棋輸要著
三年錮疾誤庸醫觀兵壁上終非策擊賊江心好及時
寄語千城諸將帥捷音早報 九重知

北行道中

喔喔雞聲唱濛濛霧氣冥客愁縈馬索涼夢碎鈴鈴樹
暗臨河驛天低欲曙星漫嗟于役苦野店尙鐙青

吳江舟次得汪瘳梅水部鴻逵書感賦

布帆吹雨細如毛，又向吳江泛小舸。日飽魚鰕春釀熟，水圍城郭綠楊高。浮沈宦海嗟余拙，馳驟文壇讓爾豪。爲念長安居不易，稻梁秋雁日勞勞。

涑安舟行用東坡清虛堂韻效漁洋體

怒流激石風翻沙，灘舟嘈雜誼蠡衙。丁夫輓船峭壁走，倒行螻蟻拖殘花。支支脈脈前復卻，何時盼到新安家。半生作客等秋燕，一枝託足輸昏鴉。篷窗晤對賴良友，清言往往霏瓊葩。縱談時事忘忌諱，中宵翦燭朝烹茶。吾鄉亂後紛轉徙，蝸廬不辨雙扉搗瘡痕。彫敝漸難起，羣黎痛癢誰搔爬。吾皇御宇本一統，畛域異視殊堪嗟。歸將鬻宅挈妻子，娛親菽水終煙霞。

入歙縣界晚眺

蓼岸行疑盡菜萸，又一灣扁舟逐紅葉。落日望黃山水闊，人爭渡林昏鳥倦還。疏鐘何處動，久未叩禪關。

長嶺山居聞廬州警報

數聲爆竹野人家，又是東風改歲華。尊酒無心傾柏葉，井泉隨意供梅花。楚師驟報圍榮澤，趙將譁傳折左車。驚定屢疑音信誤，此閒塵事隔煙霞。

丹桂詠

并序

丹桂詠哀廉侯也侯諱驥元字惺齋籍隸河南
由大挑來權歛篆咸豐五年三月粵逆自休邑
進攻府城縣城同日陷侯具衣冠縊署齋桂花
樹上賊爲殞殮停柩署中一時桂花盡開香溢
城市蓋忠靈所感云

木犀高比冬青樹此是廉侯盡忠處蝨毛老賊腰短刀
入署見公驚且逃望中蟒玉貌如故直上星日天爲高
紅巾千羣盡羅拜僞王指使公棺蓋滿城桂樹若爲榮
三月釀成金粟界君不聞田荆萎地攢綠苔被以和氣
花爭開孟家小郎嘔血盡雪中迸出纖纖筍何如歛州

十華小築詩鈔卷一

八

丹桂奇古香陣陣東風吹精誠感召乃如此請看岳墓

朝南枝

獅子謠 并序

獅子謠哀唐侯也侯名治字魯泉江南句容縣
人以大挑來知祁門縣事莅任年餘值粵逆陷
金陵皖江南北皆賊吾徽僻處萬山賊猶未敢
輕進有陳獅子者祁西姦民最黠者也謀多不
軌侯擒而扑之將置諸法邑紳徇情乞免卒鉤
粵逆從柅根嶺間道入兵單援絕城遂陷侯倉
猝不得死獅子以巨索貫侯兩掌挽之行挫辱

萬狀乃解元鬻割以死賊退義旗再集縛獅子
於祁城洪姓家吾邑官民設侯靈扶獅子腸肺
以祭侯一女僅數齡姪虎如覓得侯殘骸歸葬
時咸豐四年正月事也
五百義軍稱敢死叛民縛到陳獅子剗腸扶肺生祭公
公屈九泉應躍起昨同堵賊瀘谿橋千唬踏嶺山嶽搖
營門乍報寇北竄郡守又把師東招與公從此一揮手
公扼危城大如斗賊來數萬圍數重動地雷霆一聲吼
頃刻城亡公亦亡我聞涕淚滿衣裳曙後熒熒星一點
崇祠何日祀睢陽

十華小築詩鈔卷一

稞兵謠并序

新安處萬山中歷朝未嬰兵禍自粵寇陷金陵
皖江以南始有賊因招集四方流亡濫充勇額
地方騷然賊仍蹂躪如故爲作雜兵謠一賦于
果毅軍猛如虎殺賊既不能乃敢脅官府唐侯霹靂鳴
一聲頭顱已決雙勇丁三軍氣懾刀光青
江北勇何洵洵佩刀瀏亮巾帕紅駕空飛過長橋東闌
街火伴見相笑昨尙肩輿今坐轎慎勿趨近唐衙闌
與臺孫大高三等推石墀雜髮匠丁三餘爲首自稱防
勇爲害閭閻官不能禁逮花蠱會案發經唐令誅戮一
百八十餘人
賊黨始散

台州卒繞屋烏腰抽班管索火呼酣眠不問賊有無昨夜清華街一戰幾人得見將軍面胡不歸家事耕佃江南兵豔如花善作胡語工琵琶馬背駝得揚州娃川北健兒好身手性近婦人與醇酒昨宵幾縛營門柳

金君嘯琴以輞川竹裏館句意製圖索詩爲賦一

四顧烽烟滿桃源何處尋看君寫修竹對影坐幽林長嘯碧天暮移琴黃葉深余將息勞役乞借半庭陰

馮穉華少尉焯見示游甯山用坡公答郡中同僚賀雨詩韻近作依韻奉和時余養病篔簹

十華小築詩鈔卷一

十

移家篔簹濱仁風稱樂土茅屋枕清流灘聲咽如雨一卷恣蒐討游心惟太古侵晨事灌溉園丁託心膂連朝風露清白蓮開爾許我居本暫寄蝸殼偶黏礎於此得佳趣遠勝聽官鼓梅福吏中仙游蹤敞雙屨每聞山水勝足蹈乎則舞昨從甯山來頗帶煙霞語入山深復深詩朋約三五歸來月墮林繁星不可數草碧冷棲螢管黑疑躍虎誰謂使君廉嶺雲飽攜取

嘉祥寺題壁

細雨微風石磴涼晚蟬樹樹噪斜陽山僧揖客貌奇醜野藕滿池花亂香喜近旃檀繙貝葉誰明心性禮空王

何緣得弭紅羊劫西越東吳盡戰場

題雪窗悲慕圖 并序

夏君雪湄文苑幼失怙母金太孺人撫之成立
今食餼有美才粵逆之亂移家籐谿奉母授徒
泊如也戊午冬太孺人棄養雪湄悲甚友人爲
寫雪窗悲慕圖以寄哀思雪湄出示屬題敬賦
俗士獵科名動作萬里游意將博卿相遂爾平生謀驅
車走幽燕睥睨凌 皇州京畿人才藪滄海一粟投射
策不一遇惻惻生煩憂游子胡不歸猶冀遺珠收寒往
暑復來歲月颺如流亦念倚閭人酸辛成白頭

十華小集詩鈔卷一

七

吾友贍才華拾芥視青紫晨昏奉慈闈浮名棄如屣癸
丑兵爲災避寇南山裏劬書授生徒束修具甘旨慈竹

茁孝筍依戀無時已願折科名福增益慈親紀

雪湄有句云願

折科名益慈壽青衫常侍白頭人

一朝悲失恃肺腑摧如毀緬維賢母

賢雪窗悲慕起

賢母不讀書深得書中意佐夫事衰翁撫孤成偉器恭
儉無失德恬退有高致家國將無同得人庶事治憶昔
瞻慈容愚齡甫童穉憫愚失恃人母誠了能識宜君發
悲歌永懷長不寐哀君還自哀同灑萱庭淚

題葉嬾雲灝山水畫冊

梅林之南山水鍾名流輩出驚凡庸浣雲老人不可作
瓣香誰祝曾南豐嬾翁後來推作者神妙直躡前賢蹤
偶從漸江傲高士渲染大略施青紅遠峰蔥蒨近拔峭
楓林柏岸來詩翁此其縮本非傑構已覺生氣飛蓬蓬
看似平澹實雄橫俗手摹擬嗟無從筆筆作勢筆筆挺
力透紙背鋒藏中今人筆墨乃有此披圖令我欽高風
側聞先生壽者相白鬚火色明雙瞳日日谿頭狎魚鳥
不惜猶戀秋雲重又聞壯歲頗任俠湖海豪氣歸元龍
指困焚券等閒事陰行其德仍靡窮今老且貧樂復樂
掉頭不屑于王公摩詰邇來耽禪悅蒲團夜坐連晨鐘

十華小集詩鈞卷一

三

由靜生慧慧生悟豁然明朗披心胸非臺非樹胡拂拭
梅子已熟犀香濃禪理畫理二而一微妙我亦參虛空
何時一踏鐵門限開尊同對青芙蓉

徵屬戒嚴叔父命五弟本恬奉叔母金太淑人徒
家河鎮時愚病越半年弟亦舊恙復作相對黯然

賦此贈別

分明去國儼還鄉僕婢紛紛各趣裝始信亂離無定局
何年風雨更聯牀好隨老母珍寒暑早見嚴親報吉祥
明夜嶺雲千萬疊憑闌知爾幾迴腸
此別均宜惜病身漫將多故累雙親驥羣我固牽車馬

弟輩君仍領袖人忌屢膏梁銷志氣願憑霜雪練精神
臨岐莫更嗟子寤滿目流凶敢諱貧

自題寫照

留侯慕長生晉卿祈速死吾愛越大夫浮家五湖水五
湖阻深竊去去復何之扁舟歸故園臥病南山陲屋枕
篔谿山門對篔谿曲雖非簑笠翁聊持一竿竹得魚不
足喜失魚不足憂得失兩忘機翩翩天際鷗

讀史隨筆

關中帝王居非種鋤勿留徒置一不早滋蔓將貽憂劉
淵起晉陽羣夷森戈矛羯勒牧豬奴流毒延九州朝聞

十華小築詩鈔卷一

三

陷郡縣暮閩烹王侯遂令并雍閒沃土成荒邱衛霍去
已遠當代誰伊周王衍號干城竟坐輿尸羞不幸入羅
網舍死將安求胡爲猶戀戀殼棘如牽牛丈夫肘金印
誓斬單于頭否亦宜引退埋首投荒陬毋持兩端見徒
營三窟謀不聞排牆下太尉嗚啾啾

岐西大聖人仁義斥貨賄獻洛除劇刑發粟賚四海榮
夷胡弗聞憲章一朝改百計恣網羅萬派使交滙豈爲
裕國謀聊以希光采財聚則民散斯理炳千載弭誦術
何愚冤哉小民醢伏戎起蕭牆居彘已氣餒青宮匿相
衙性命延頸待周德熾且昌召公儼然在殷勤語王孫

萬死臣靡悔魚目混驪珠居然卻疑紿再振慶中興一
蹶幾危殆請誅佞臣頭明正覆餗罪

骨醉謠

昭儀手殺呱呱女宛轉悲嘯訴昏主萬年宮中冤獄成
謂后不應戕所生淑妃也惹君王惱并繫長門閉青草
尙書投笏嘔血爭簾內頻呼撲此獠佳兒佳婦付褚卿
今日如聞先帝聲君王欲少賜顏色生機一動命轉傾
內侍密承妖后旨立解嬌肢廁人豕一爨香骨醉如泥
兩嫗獐睛凶似鬼吁嗟乎皇后在襄帝在宮哭聲至死
猶隆隆誰實成之李勣功

十華小築詩鈔卷一

一四

病中答程小園明府

多謝殷勤尺素書深情獨到病相如閩人蜀道千盤險
涉世華胥一夢餘恬退君猶耕有硯遨遊我久出無車
高歌橫槊當年事漸次英雄結習除
晤蓮谿上人於曹江寶山寺旋又別去
曲折官河一綫通扁舟訪爾藕花叢已無香火歸蕭寺
賴有丹青作寓公暝色入檐江樹黑清談臨水佛燈紅
權歌聲裏囟囟去宦海從來類轉蓬

十華小築詩鈔卷之一

十華小築詩鈔卷二目錄

市駿圖為胡少梅作

蘭江差次苔馮鐵華太守譽馳見懷之作

喜聞官軍破馬筋嶺進駐龍游屢戰皆捷

柳子軒先生深柳讀書堂遺照其哲嗣石臣茂才

索題

蘭江寓樓喜聞眷舟夜至

訂交篇

自柯城返棹蘭江塗值風雨賦此遣懷

送鄭荔生之豫章戎幕並柬令兄東甫令弟松樵

十華小築詩鈔卷二目錄

聞見篇

官軍收復杭州奉左撫部檄由蘭谿權次調回省

會慙喜交集得詩四章錄呈筱城暨諸同志

筱城餞余江干醉後放舟不及言別及過睦州得

二絕句由驛遞呈

壽糧儲道楊石泉觀察昌濬

筱城司馬以巢谿山館分集詩索題

苔水吟

答黃孝侯學使鈺澤州書

送沈吉田司馬應奎之官閩中時沈方浙闈報罷

題王菽畦太守慶勳山陰道上圖時在吳興

讀菽畦太守貽安堂詩集書後

許雪門太守瑤光招飲卽席有作竝呈同席諸君

子

送別蔣溶川觀察澤雲

遣敏兒

哭榴女

題鄧文蒼大令國華騎驢圖

客茗谿憶筱城司馬

老坡和薛慰農太守時雨

十華小築詩鈔卷二 目錄 二

哭謝文

哭謝文

哭謝文

哭謝文

哭謝文

哭謝文

哭謝文

哭謝文

十華小築詩鈔卷之二 壬戌至丙寅

休甯余本愚古香

市駿圖爲胡少梅作

邊風獵獵塞草腓烈士按劍心中悲大讐未復生胡爲
紅巾西來軍北走礮火轟天陵谷吼猶賴文臣轉戰功
力盡沙場喪賊手父死 國難兒復讐千金神駿何處
求天鑿兒恟來驂騮吁嗟馬兮吾語汝誓將與爾衝鋒
突陣樓蘭頭生不願封萬戶侯

蘭江差次答馮鐵華太守譽聽見懷之作

奔蛇歲月任蹉跎且向蘭江放櫂歌民力尙艱輸薄稅

十華小築詩鈔卷二

一

吾生祇合老滄波斜陽晚郭炊烟少落葉空山野哭多
爲報遄征賢太守不堪戰地問如何

喜聞官軍破馬筋嶺進駐龍游屢戰皆捷

四顧兵塵滿蒼茫莫問津略無乾淨土著此苦吟身大
局東南失三衢壁壘新王師終破敵拊舞到微臣

柳子輈先生深柳讀書堂遺照其哲嗣石臣茂才

索題

先生種柳如種梅千株萬株高下栽青籠翠罩失昏曉
日影不到風徐來中間誅茅創幽築紫薇拂牆蘿補屋
萬卷豪從酒後開六經飽授兒曹讀樹人樹木功則同

書帶老綠澄深紅羽毛養就童鶴翻一聲長喚騰晴空
柔條低舞楊花起墮地妖氛禍胎始金碧樓臺付劫灰
豪華門第成荒壘先生生本非常人逆知避地如避秦
桑麻雞犬自成族烈火不度桃源津二百餘年此奇厄
民物竝壽根深仁此圖亦疑神鬼護否則一炬隨揚塵
安能展袖拂絹素岸然道貌如重親書聲隱約達戶外
濃陰徧覆東西鄰江城蘆花已霏雪縷烟絲雨猶爲春

蘭江寓樓喜聞眷舟夜至

雲樹暗層層樓居類野僧滿江漁火亂中有我家燈

訂交篇

爲蘭溪宰江筱城司馬作也
司馬名紹華湖南湘陰縣人

一華小集詩鈔卷二

二

君住巢谿濱我家蘿峰底中間互長江迢迢二千里清
時各讀書儒行敦踐履有時巾車游方隅不同軌會合
詎有期曷若締知己粵匪亂無象流毒甚前史遂令天
下心飲恨痛深髓惟楚爲有材英雄多崛起同治中興
朝王師臨浙水君時率部兵殲渠破堅壘子龍膽包身
將軍稱敢死不愁虎負隅探穴已得子旣拔蘭江城鏗
歌動遐邇中丞笑謂君投桃報當李飛章達九重彈
丸歸料理我來槐樹花歲星未周紀入邑先采風賢聲
飽填耳威制中山狼愛護堂坳螳雅化洽弦歌廉隅卻
薏苡或曰豪傑豪或曰美人美或曰能文章或曰嫺武

技我聞頗躊躇中心結疑瘡懷刺馳一見一見發狂喜
彼此訴生平訂交從此始

自柯城返櫂蘭江途值風雨賦此遣懷

扁舟小如葉曉發柯城隅雨聲擊篷背兀坐跣雙趺蒐
篋得殘卷主讀僕則痛榜人理舟楫當午謀晨廚炊煙
出船尾散翠縈林於好風向西來我舟方東徂一槩一
努力涉世同艱虞來帆颺若箭瞬息奔前途譬彼乘軒
人貌茲戴笠夫利鈍亦何有躁進非良圖吾惟安吾素
雲水容徐徐溼霧遮遙峰羣鳥歸相呼漁鎧隱叢葦遠
看時有無前村灘石惡野碓鳴鳴鳴就此可棲息慎重

十華小笑詩鈔卷二

三

行江湖夜深明月光照耀千松林

送鄭荔生之豫章戎幕並柬令兄東甫令弟松樵

我年未及冠謬矣稱狂童二十學擊劍辟易千夫雄三
十聘才華吐氣如長虹四十始居官稍稍親王公頗讀
大清典禮數凡重重一歲復一歲不覺磨成翁有口恆
類啞有耳恆如聾不鳴亦不躍跪拜皆雍容自謂忘老
醜已極描摹工閒亦獲罪戾吾術將終窮君今盛年齒
壯志凌虛空英俊擬秋隼夭矯誇游龍機緘曾未啟眞
氣全鴻濛宣尼與佛老一一皆能通不幸入塵網謫仙
儕凡庸弟兄三四人餬口分西東離家六千里役此勞

勞躬一官苦如蓼終歲成飄蓬江風吹落魄山月淒孤
蹤行行重行行去住嗟無從一朝走相別云繫章門蓬
君兄兄弟行君惟吾弟同無以贈君行願君常虛衷長
銷萬古愁無爭尺寸功殷勤事長官一鼓平妖烽去去
勿回顧澗碧山花紅

聞見篇 并引

聞見篇者余子感時作也余子生際亂離傷心
蒿目故有是篇

豬換婦

朝作收豬奴暮作收豬奴冀得收豬婦販豬過桐廬睡
州婦人賤於肉一婦價廉一斗粟收豬奴牽豬入市廛
一豬賣錢十數千將豬賣錢錢買婦中婦少婦載滿船
蓬頭垢面清淚漣我聞此語生長吁就中亦有千金軀
嗟哉婦人豬不如

屋劈柴

屋劈柴一斧一酸辛昔爲棟與梁今成樵與薪市兒詆
價苦不就行行遠遍江之濱江風射人天作雪飢腹雷
鳴皮肉裂江頭邈卒欺老人奪柴炙火趨城闔老人結
舌不能語逢人但道心中苦明朝老人無處尋茫茫一
片江如銀

孃養草

龍游城頭梟鳥哭飛入尋常小家屋攫食不得將攫人
黃面婦人抱兒伏兒勿驚孃打鳥兒飢欲食孃養草當
食不食兒奈何江皖居民食草多兒不見門前昨日方
離離今朝無復東風吹兒思食稻與食肉兒胡不生太
平時

船養姑

月彎彎動高柳烏篷搖出桐江口鄰舟有婦初駕船吳
謳越調歌纏絲艫聲時與歌聲連月彎彎照沙岸明星
耿耿夜將半誰抱琵琶信手彈三聲兩聲催心肝無窮
幽怨江漫漫或言婦本江山女名隸煙花第一部頭亭
巨艦屬官軍兩妹亦被官軍擄婦人無夫惟有姑有夫
陷賊音信無富商貴胄聘不得婦去姑老將安圖嗚呼
婦去姑老將安圖婦人此義羞丈夫

官軍收復杭州奉左撫部檄由蘭谿樵次調回省

會慚喜交集得詩四章錄呈筱城暨諸同志

野蓮初實老菱香記否停橈水國涼歌譜已翻金縷曲

嫁衣重翦繡羅裳

向由河口差次奉調來蘭

園蠶蜜熟蓄薇架海燕

巢成玳瑁梁慚愧頻年弄機杼又隨大婦織流黃

此木天生已不材那堪移向五雲栽丹雖有訣防中走

花本無名忌早開或便移家通戚里敢誇得路向蓬萊
傷心故國干戈後雉堞荒涼畫角哀

東風吹夢出華胥一枕游仙午睡餘入蔡忽聞元惹縛
辟秦時伴釣人居愁寬白髮加餐飯喜剔銀缸勸讀書
此去兒曹須努力清時不仕待何如

又是茶香麥熟天南樓小住恰經年門迎舟楫輸官稅
日飽谿山愧俸錢水調不聞商婦怨邦人好事大夫賢
烟波一櫂西湖去載得蘭江月滿船

筱城餞子江干醉後放舟不及言別及過睦州得

二絕句由驛遞呈

十華小築詩鈔卷二

六

林鳥無端勸客行老魚吹浪晚江晴文園十日停橈住
半爲谿山半爲卿

水面舫舸作燕飛滿江旗鼓殘暉醒來細認蘆花月
已過嚴陵古釣磯

壽糧儲道楊石泉觀察昌濬

關西夫子人中豪胸羅萬卷兼六韜殺賊歸來謝
天子右手捉杯左蟹螯咸豐已來事鞍馬所到十城九城
下元戎前席借箸籌萬傾汪洋河倒瀉前年節帥章江
來旌旗指處陰雲開削平三楚清兩浙帷幄知有非常
才緩帶輕裘羊叔子兵事乍終民事始自稱臣本湘鄉

農祇解畊田讀書史維天辟玉食需萬方鄴侯厥職司
轉糧能令菽粟如水火舳艫飛挽輸天倉自古名賢
多作用獸之麟兮鳥之鳳我識荊州辱品題小儒從此
名增重受降城頭烏夜啼星河耿耿當戶低獨立中庭
望秋月塞雁一聲天際飛純鱸忽動故鄉思味爽上書
求去位大府方論破賊功小民齊下攀轅淚嗚呼方今
大亂雖已平滿耳猶是哀鴻聲君相心力所不到惟賴
公等通精誠同治甲子日重九公壽壽民公不朽願擯
茱萸伴采觴忘形一醉黃花酒

筱城司馬以巢谿山館分集詩索題

十華小筊詩鈔卷二

七

弱冠走吳越結交多通儒壯歲客幽燕漸近賢大夫迨
後歷戎行日與名將俱文才竝武略一一皆勝愚鄙意
頗欣慰吾德良不孤方謂天下才似此蔑以如同治癸
亥歲奉檄蘭江隅得親賢宰賢遂覺無美無始知鍾毓
奇偏於天聖世殊問君本何學而乃如是乎得非偃蹇
深成此孤松株君既聞我言感泣生長吁雙手出瑤帙
字字懸明珠一卷閒吟集臥龍南陽居寂寞巢溪濱杜
門防徵車不愁知音稀但求勿我需出湖徂東後王事
從馳驅去學萬人敵寒暑依穹廬兩和中丞詩三上宰
相書豈爲階進計聊代天下圖咄哉張子房持箸參謀

謨載誦越游篇其聲何嗚嗚君時肘侯印出入荆榛途
城郭盡焦土沙場戰血糊君年未四十所值多崎嶇詩
境亦似之天矯而盤紆在唐師老杜在宋追髯蘇香山
與劔南神貌時時符國初王阮亭庶幾兄弟呼君詩
已如此況爲君緒餘攜歸讀百遍籬菊開扶疏何以遣
此興雙螯酒一壺悠哉復悠哉就枕猶伊吾

茗水吟并序

詩三百篇類多逐子放臣怨婦征夫之作余子
浮家茗上寂寞寡歡傍水盟鷗依巢作燕已足
悲矣矧復書來塞北無非寫恨之詞花落江南
盡是傷春之句因效玉谿生無題賦詩八章名
曰茗水吟聊託新聲用抒孤緒知我者其在天

涯海角閒乎

黯黯情懷渺渺波玉樓人似隔天河齒彈梅子酸心透
裙染榴花血淚多望遠渾忘身化石生香恨不樹交柯
分明月殿容同住陡變風雲一剎那
百計求歡百不成鴛衾背盡昔年盟也知妾命花同薄
無奈春潮浪未平庭草芊緜蝴蝶醉海風搖落荔枝輕
天南地北相思苦不是文君負馬卿
冢婦持家本極難嬌姿那禁屢摧殘檐迎鳥語嗑姑惡

風動蘆花覺子寒錦字遠緘珠錯落玉容終日淚闌干
憂懷欲訴同心侶碧海青天恨渺漫
萬騎桃花動戰塵繡旗飛渡綠楊津已開趙壁招降虜
不枉吳宮教美人銅柱久非炎帝界木蘭生本女兒身
論功首重蛾眉賞底事君王記不真
小玷微疵莫浪尋美人聲價抵兼金白魚比目沈淵久
紅豆相思刻骨深千古厲階成婦口片言決獄見婆心
無端一陣催花雨驚碎蘼蕪滿院陰

異樣丰姿異樣才鍾情到我費疑猜曾無一度春風面
已定三生玉鏡臺極浦遠沈歸雁字小欄寒勒合歡胎

十華小築詩鈔卷二

九

徐孃漸覺容顏老爲報香心寸寸灰

鳳泊鸞飄總主恩故宮迴首黯銷魂淚枯豈惜荒沙死
腸斷無如老母存馬踏樓雲辭白帝身隨胡月嫁烏孫
臨岐不忍重攜手冷雨酸風出國門

秀骨珊珊小病兼藥烟如篆隱重簾帖臨縮本花爭媚
詩比行軍律更嚴誓訟父冤通帝謂偶因婢惹姑嫌
羅敷自是無瑕璧懶埽眉峰對鏡奩

答黃孝侯學使鈺澤州書

同治四年秋七月接君三年三月書似從西域達中國
實阻羣盜紆程途如獲至寶出望外開緘讀對青山孤

上慰失怙悲下憐卑官俚語語含酸辛紙上聲烏烏中

閒詞意尤惋惻泣陳恩德難酬余君家伯兄我僚友陷

賊病殂拋妻孥

令兄佩吾明府歿於義烏卸篆後

無歸友死於我殯魯

論具在言非誣吾徽距浙幸非遠存歿卽令歸故廬否

則終罹虎狼窟藐孤嫠婦將安圖於此弗恤豈人類愼

勿爾爾情轉疏況君與我本兄弟君兄我兄何所殊與

君別來近八載昨晤君弟杭城隅

令弟秀眉赴試浙闈得晤

備言書

中所未及加入君座同歡娛見君髣髴坐試院秋風夏

竹星挂梧秉燭攤卷據棊几閒行偶爾來庭除幕中佳

客飄瓊裾文酒之讌無日無月明如水當階鋪獨倚遙

十華小築詩鈔卷二

十

天望南斗我懷君時君憶吾吾生惟此性未改其他鄙

俗齊凡愚長官不喜狂與癩勉勤四體供奔趨竭來東

浙與西浙禁令胥吏竭澤漁書生那慣理財賦但能照

額徐征輸與興沃壤數百里居民環水栽桑榆繭絲歲

入千百萬小臣當此無霑濡大府以此考厥職循吏不

足廉有餘嗚呼廉吏豈足擬未能腹削充膏腴東南初

定民力困如病宜養顛宜扶求也聚斂心竊鄙惟將涓

滴歸公儲天下後世或我恕此心一失嬰天誅今病且

貧吾已矣著書無暇東皋蕪行將歸家辦犁犢督率子

弟親耕夫無田種山計亦得豆麥一例輸官租餘糧奉

母飽妻子安用役勞飢驅願君努力事 明聖伊周
事業歸吾徒

送沈吉田司馬應奎之官閩中時沈方浙闈報罷
宿儒制一藝如燒九轉丹逮至三藝成直欲嘔心肝作
者人事盡權在衡文官權歸命亦寄未可斯須干得者
反手易失者登天難子昔鍛羽飛君今阻鵬搏一卷冰
雪文字字琳瑯珥郵書貽我讀使我心悲酸題詩還寄
君根觸紛無端幸茲鉅鹿戰子從壁上觀

閩中寇乍平庶務待賢理君懷濟世才及時投筆起譬
如棋一局毋戀數閒子秋江好挂飄驛路丹楓裏吾夢

十華小築詩鈔卷二

二

縈繞之直下建谿水閩藩周濂溪君交我知己寄聲善

餐飯爲

國愛軀體更有兩豚兒

慶麟慶祺時皆奉差閩中

春風幸

漸被爲言翁漸衰腰脚怯行履乍登湖上峰僅能三十

里

題王菽畦太守慶勳山陰道上圖時在吳興

吳興地卑溼入夏況多雨山城日夕陰百病集腰膂悠
悠湖上峰漠漠寒沙渚水禽時往還閒絕谿橋鱣
頗懷王逸少欲作山陰行忽讀輞川畫摩詰如相近何
時謝軒冕嘯歌山水清子久厭塵事願要泉石盟

讀菽畦太守貽安堂詩集書後

不厭推敲苦風騷入暮齡鬢從秋塞白山對海門青
慷慨時事蒼茫訪野亭老懷殊跌宕題詠徧西泠
舊領睦州郡循聲冠浙東不徒盛文藻兼有濟川功
興到便開襄閒來還倚松閣猶望治門掩亂花叢

許雪門太守瑤光招飲卽席有作竝呈同席諸君

子

湖郡連禾郡輕颿破曉來羣賢同日至太守晚筵開
樵軍門潘芸臺太守在禾中余與王漪村司馬從吳興來適宋叔元太守彭訥生司馬由蘇垣同日并至
後此高會談深忘舉杯移尊就明月衙鼓漫相催

送別蔣溶川觀察澤雲

并序

十華小集詩鈔卷二

三

浙省漕糧以嘉湖兩郡額徵爲最重道光年間
歸安縣民陸名揚稊祖堂先後犯科並置重典
同治四年乙丑大府以兵燹後百姓流離田多
不治奏請減賦明年莊大令鳳威來宰是邑
安民之姦黠者仍主使各區抗交日聚萬餘人
蠕蠕欲動閭郡譁然事聞觀察奉檄來郡與太
守楊公榮緒拊循備至錄首禍顧楚松等三名
罪狀以報一時民情帖服踴躍輸將不兩月而
漕政竣觀察性端凝師出以律尤耽吟詠瀕行
慷慨作歌有拳拳故人意余亦詩以送之

君提一旅師來軍茗水上遂令湖州城全神爲之王日
出官倉開日入糧艘放譬如蜂一衙羣靜蜜交釀豈真
民弗良膽敢當官抗莠草害嘉禾蔓延便無狀非種擇
尤鋤蚩蚩魄先喪禍患防未然厥功擬良相

元夫尤嗜學軍中手一編新詩祖王孟風格何高騫間
倣古歌行曉角凌霜天縹渺涼州山望雲眸雙穿思親
泣如雨字字肝腸鐫時溶川尊人觀察蘭州讀溶川我
感懷書事諸詩最足發人深喟詩罕欣賞君見胡留連談藝辱高躅茶竈颺庭烟白日
苦不足時把青鐙然

君來梅未花君去桃成樹相送出東門攜手臨岐路丈

十華小築詩鈔卷二

三

夫輕別離美人惜遲葺願堅松柏操毋爲雪霜怖湯湯
湖水波冉冉旌旗度舟師各揚帆朦朧犯煙霧相望不
可見相思向誰訴不如檣上烏猶得從君去

遣敏兒

敏兒幼病肺藥誤致瘖啞相對殊黯然母淚動盈把十
三令習藝聊以絆村野因依渭陽情參養作牛馬

哭榴女

汝生子未遇汝長恆亂離轉徙數千里形影長相隨時
清敘桑梓嫁汝光門楹豈知江上舟杳杳無還期

題鄧文蒼大令國華騎驢圖

天目鄧侯仁且賢彈丸作宰剛半年士民愛戴胡嘖嘖
青牛老子留真詮萬事皆作退步想知白守黑全吾天
開卷見君驢子背令人誤認梅花顛前有翩翩裘馬客
長安游俠誇少年胡姬奪取珊瑚鞭當鑪一擲輸萬錢
知君腰無十萬纏後塵甘避邊爭先夕陽亂樹聞鳴蟬
車聲粼粼斷復連是何人歎雙聳肩汗流息喘卻復前
對此又覺成天淵繪圖寓意徵詩篇鄧侯侯真解事
無人不得人中仙爾今隨我不稱意一官如磨空盤旋
灞橋連日好風雪會須一踏瓊瑤巔

客茗谿憶筱城司馬

十華小築詩鈔卷二

丙

頗憶江司馬扁舟客思孤宵來頻夢見醒後片言無滅
燭霜侵被推窗月滿湖蘭若阻重水中夜起躊躇

老妓和辭慰農太守時雨雜意一言取道空盤旋
隱隱笙歌別院陳闌干倚徧黯傷神迴思車馬喧闐日
坐對梨花寂寞春猶冀千金收駿骨那堪一舸逐商人
從容且待真知己珍重徐孺病裏身

具交
開卷見君驢子背令人誤認梅花顛前有翩翩裘馬客
長安游俠誇少年胡姬奪取珊瑚鞭當鑪一擲輸萬錢
知君腰無十萬纏後塵甘避邊爭先夕陽亂樹聞鳴蟬
車聲粼粼斷復連是何人歎雙聳肩汗流息喘卻復前
對此又覺成天淵繪圖寓意徵詩篇鄧侯侯真解事
無人不得人中仙爾今隨我不稱意一官如磨空盤旋
灞橋連日好風雪會須一踏瓊瑤巔

十華小築詩鈔卷之二

